

17.15 CUNTRASTS SIN SRF 1

La tur d'Origen

Temporar, gigantic e curaschus. Uschia sa preschenta la tur da teater d'Origen cun ses 30 meters autezza sisum il Pass dal Gügliä.



Il 31 da fanadur 2017 è stà l'act festiv en preschientscha dal cusseglier federal Alain Berset. Suentar han ins preschentà durant duas emnas l'opera «Apocalipsa» da Gion Antoni Derungs. Tut las produziuns èn stadas vendidas ora. L'intendant Giovanni Netzer ha dentant accentuà che las represchentaziuns hajan anc lieu sin in plazzal da construcziun. Per che quest spectacul cultural haja insumma pudì vegnir realisà, han ins stuì lavurar fitg las diesch emnas avant. A Riom han exercità ils artists lur chant e saut, a Savognin han ins prefabritgà ils elements da la tur ch'èn vegnids purtads suenter durant pliras notgs cun transports spectaculars sin il pass dal Gügliä. Là han ils passants pudì observar co che la tur è creschida di per di. Il film «La tur d'Origen» mussa la via tar quest plazzal da construcziun.